

慈悲蘭盆目連懺卷中



風陵文庫
文庫19
F 459
2



慈悲蘭盆目連懺法道場卷中
啓運慈悲懺法道場一心歸命頂禮十方三世一切諸佛

南無過去毘婆尸佛 南無尸棄佛
南無毘舍浮佛 南無拘留孫佛

南無拘那含牟尼佛 南無迦葉佛

南無釋迦牟尼佛 南無當來彌勒尊佛

南無地藏王菩薩 南無目連尊者菩薩

禮諸佛已次復懺悔。因業受身。身還造罪

罪無邊際。略具于斯。三惡七遮。四重五逆。小乘

經律。譬同斬首。律既無開。緣懺則滅。依
大乘經。許令洗蕩。如呪枯木。花果復生。
雖行此懺。須運大心。依法奉行。如死還
活。大士所說。義不唐捐。身戒心慧。智常
修習。既慙且愧。精勵用心。心想上虛。罪
豈定性。今欲科約。行業條列。順違善惡。
罪緣俱兼。二種先就。惡業以論。違順逆
於涅槃。順於生死。辯此違順。略顯十心。
有罪業者。須至業相。量事而行。一者無
明顛倒。煩惱醉迷。觸境生着。昏暗不醒。

所以造罪。二者內被癡醉惑亂。外為惡友所迷。隨順非法。惡心轉熾。所以造罪。三者內外緣具。自破已善。亦破他善。於諸善事。無隨喜心。所以造罪。四者既不修善。惟惡因緣。恣縱三業。靡所不為。所

以造罪。五者善因不積。業行尤多。如火益薪。念念熾盛。所以造罪。六者賢良不遇。惡黨常親。夤夜縱橫。非為交作。所以造罪。七者隱覆瑕疵。蔽諱過失。內懷姦詐。外飾威儀。所以造罪。八者色身康健。

為我常存。違理反逆。所以造罪。九者愚
癡。兇狠。跋扈。抵突。無慙。無愧。或恥。或羞。
所以造罪。十者撥無因果。不信善惡。斷
諸善根。作一闡提。所以造罪。如上十心。
無明為本。增加不已。極闡極惡。順入生
死。從暗至迷。織作結業。無解脫期。是名
無明。違順心也。既識生死罪惡之人。遇
佛大慈。加攝哀念。從今立改過法。咸開
解脫之門。令我善根。念念增長。如王登
位。宥罪。緩刑。將行懺除。改惡修善。於善

違順亦具十心。常須運想對治前非。依
後律儀。一一觀破。此正悔過立行本基。
一者正法因緣。不迷不謬。為善獲福。作
惡招殃。此無作妙理。果終不失。雖念念
結業未亡。信為道源。智為能入。從信長
智。種善根本。用此正心。翻破不信。大闡
提也。由備此心。方能起懺。二者悔罪要
方。慙愧為本。我慙此罪。不預人流。愧我
斯罪。不蒙天罰。是為諸佛清淨白法。亦
是三昧行人。第一義天。以此慙愧出世。

良田。破無慙之黑法也。要了此心。方能
行懺。三者怖畏無常。命如水沫。一息不
來。隨業流轉。覺無常已。食息無暇。翻破
保常。不畏惡道心也。四者發露向他。說
罪輕重。以露罪故。意識情枯。如露樹根
枝葉凋淨。是真發露。翻破覆藏。廓明心
地也。五者斷相續心。畢竟捨惡。決志勇
猛。猶如剛刀。能斷惡刺。是以決定要期。
翻破邪行。相續心也。六者發菩提心。普
拔一切苦。善為一切樂。此心弘廣。無所

不遍。此是大乘菩提之心。翻破遍惡心也。七者修功補過。勤策三業。精進不休。是以修功立德。翻懈怠不修。無辜起惡心也。八者守護正法。不隨外道邪師。破壞佛法。誓欲光顯宗風。法久住世。是為守護心城。翻破滅善事之心也。九者念十方佛。無量功德。神通智慧。欲加護我。慈悲拔苦。賜我除病清淨良藥。是為翻破。念惡之識心也。十者觀罪性空。後心起念。念若不起。罪亦何來。我心自空空。

云何有。善惡齊空。罪福無主。非內非外。亦非中間。不常自有。但有名字。名之為心。但即名字。名為罪福。如是名字。名字即空。還源返本。畢竟清淨。是以觀罪性空。翻破無明顛倒。執着心也。若無明滅。

故諸行亦滅。諸行滅。故生死息滅。是為十二種。因緣大樹壞。亦名苦集子果兩縛脫。亦名道滅。二諦俱顯。是方等觀智慧。是為發幽暗。日月照明。衆生遇此重恩。故得見十方諸佛也。此標大意。具說。

如經修崇懺法以酌恩感謝佛恩而稽
顙是故我今同業大眾皈依世間大慈
悲父

南無釋迦牟尼佛

南無善德莊嚴佛

南無寶財普施佛

南無無量寶明佛

南無寶華功德佛

南無光輝相德佛

南無衆上明德佛

南無廣種德明佛

南無寶光普照佛

南無精進軍力佛

南無寶火光王佛

南無寶月光明佛

南無普現無虞佛

南無龍德尊王佛

南無離垢解脫佛

南無清淨普德佛

南無觀世音菩薩

南無目連尊者菩薩

禮諸佛已。次復懺悔。未發心者。念諸佛

恩。以發心者。重使覺悟。父母慈愛。慈止

一世。佛念衆生。慈心無盡。見諸衆生。受

五欲樂。歡喜遊戲。不覺不知。願起哀憐

或長夜睡眠。昏迷不省。亦生憐愍。或趣

三塗。恒投黑暗。從冥入冥。佛乃興慈。垂

光普照。悲心益重。於愛河苦海。身作橋

梁。大夜幽關。心開慧炬。代諸衆生。受無

量苦。是知菩薩聖僧。悲念衆生。過於父母。柰緣衆生。無明障重。煩惱根深。不報佛恩。未知歸向。心塵濃厚。智鑑猶昏。未能折意。挫情有失。妙方良劑。是故現前。合道場人。信佛法言。應病施藥。不依佛語。藥非病方。阿難問佛。何者是病。世尊答言。愚癡作惡。是病。邪慢諂曲。是病。言語傷人。是病。我慢貢高。是病。貪戀色慾。是病。違逆父母。是病。隨逐惡人。是病。殺生害命。是病。興詞好訟。是病。不守本業。

是病。阿難白佛。多病衆生。何藥治之。世尊乃言。慈悲喜捨是藥。讚嘆大乘是藥。不說是非是藥。有過能改是藥。敬上念下是藥。柔和忍辱是藥。解黏去縛是藥。護善遮惡是藥。愛老憐貧是藥。謙讓作小是藥。擔度衆生是藥。阿難問佛。此藥微妙。何方收拾。世尊云。生於菩提場中。出於佛果地上。遠則十萬八千。近則不離方寸。經中復言。衆生妄念是病。諸佛言教是藥。服斯法藥。諸病痊除。以言覺

妄。妄念潛消。復能返照回光。忘情達本。
奉敬三寶侍養二親。世世生生安穩快
樂。現生遂意積善脩來。戒殺放生。生生
富壽。那慳惠施。世世豐盈。捨妄歸真。得
法喜樂。知身是幻。求出愛河。識性無生。

不入苦海。遠惡知識。常遇善緣。所謂泥
洹。經說。迦羅池中有蛤蜊子。因牧牛人
同聞法故。以杖卓地。誤傷蛤死。蛤聞法
要乘時生天。後乘宮殿禮謝佛恩。所謂
蠢動蝸飛。皆含佛性。頓拋有相。即了無

生道場衆等。善男女人。念身豈久。悟世
無常。法會罕逢。衆僧難值。信心難發。聚
散不期。又願我等。多生累劫。恩有親緣。
從今懺悔之後。信心清淨。即生實相。面
帶烟霞色。心含戒定香。體安山石相。智
廓滄溟腸。神遊華淨土。足蹈菩提場。香
風動林苑。華雨散禎祥。時時消熱惱。處
處獲清涼。罪福兩和融。同棲安樂鄉。善
男與信女。迷悟及賢良。了然超百億。功
不可稱量。各各和南。歸命頂禮。世間大

慈悲父

南無釋迦牟尼佛

南無淨德光王佛

南無無量寶明佛

南無寶華功德佛

南無三祇果滿佛

南無梵行尊德佛

南無金剛堅德佛

南無廣明德行佛

南無寶藏光明佛

南無熾盛光明佛

南無寶蓮遊步佛

南無精進歡喜佛

南無寶嚴光德佛

南無寶莊嚴王佛

南無龍樹尊王佛

南無日月燈明佛

南無離塵清淨佛

南無無量德光佛

南無清淨光明佛

南無仁賢善首佛

南無恒沙功德佛

南無常不輕菩薩

南無地藏王菩薩

南無目連尊者菩薩

禮諸佛已。重複懺悔。經中佛說。或孤窮

醜陋。卑賤癯殘。陵蔑輕欺。皆不稱意。亦

有威嚴慷慨。名德軒昂。福裕盈餘。優游

趣樂。或身棲葦戶。衣食艱辛。或萬善咸

臻。柰一生逼迫。因緣報應。影響相隨。此

世他生。遇緣復會。佛寶藏經云。有王名

惡生。遊歷觀林苑。見金猫入地。遣人掘

之。獲一銅盆。金錢盛滿。五里之地。俱滿
金錢。是王歡喜。馳往見佛。請問因緣。佛
答王曰。是汝當來。布施福報。毘婆尸佛
時。有一佛弟子。肆衢設高座。安鉢於座
上。凡有捨錢入鉢。當來大富饒財。水不
能漂。火不能燒。王不能奪。盜不能侵。是
時賣樵人。捨三文入鉢。忻然五里地。步
步歡喜。昔行檀施。今王是也。是時國王。
轉加精進。福慧雙修。遂成道果。舍衛城
外女曰清淨。見佛行化。捨飯入鉢。佛為

呪願捨一得萬。富樂壽長。後成道諦果。報非常。爾時其夫疑懷我慢。弗生敬心。施飯一鉢。獲其多福。復成道果。佛言善男子。汝聞泥拘栗樹。種時。織芥子。長大四十里。歲收萬斛子。諦信斯言已。佛語實不虛。何況一鉢飯。歡喜奉施佛。福不可稱量。夫婦心開解。共發菩提心。皆得須陀果。旁耆羅佛時。亦有紡績女。時常將微線奉施於如來。日施於一縷。遂滿千五百縷。爾時佛呪願故。獲報無窮。十

五拘胝。不墮惡趣。千拘胝為轉輪王。千拘胝為天帝。奉覲千拘胝佛。勤修供養。證無等等號。善攝授如來。如經中說。有二種人。一者巨富。一者貧窮。同見乞者來。愁憂皆不樂。有財寶者。懼其求索。無資糧者。將何布施。二人憂愁各異。招感果報不同。貧者生天。受天快樂。富者墮地。生餓鬼中。善惡從心起。果報隨意得。所謂苦樂逆順。道在其中。運止閑忙。自愧自悔。當將已物。利濟於人。逢險危途。

身為橋道。遇生死海。撈擄衆生。拯濟迷
流。達於彼岸。無佛世界。樹建法幢。黑暗
趣途。顯光明藏。猶若金錕。扶其翳膜。盲
聾瘖啞。悉使通明。扇仁風於遐迩。道泰
時清。滋法雨於江山。歲豐物茂。處處法
音普振。團團慧日。開明喚迴。夢裏方甦。
廓徹塵中。自省瑕疵。雪淨垢障。冰清俱
承正覺。菩提盡出。邪途迷窟。理須圓照。
事必融通。聞於未聞。心開意解。同運虔
誠。歸依世間大慈悲父。

南無釋迦牟尼佛

南無毘盧遮那佛

南無旃檀莊嚴佛

南無須彌寶相佛

南無超出須彌佛

南無喻如須彌佛

南無盤陀寶光佛

南無須談魔羅佛

南無大方無比佛

南無寶燄光明佛

南無光明無盡佛

南無大力牛王佛

南無大強精進佛

南無普光明耀佛

南無那羅延壽佛

南無極高德行佛

南無無邊因果佛

南無寶藏光明佛

南無無盡功德佛

南無妙意寶王佛

南無寶財光明佛

南無虛空無量佛

南無大智慧勝佛

南無光明淨德佛

南無妙音聲德佛

南無不動智王佛

南無世燈摩尼佛

南無寶珠明耀佛

南無慧旛勝王佛

南無獅子吼王佛

南無常光幢王佛

南無慧炬照空佛

南無文殊師利菩薩

南無大行普賢菩薩

南無常不輕菩薩

南無普光王菩薩

南無地藏王菩薩

南無目連尊者菩薩

禮諸佛已次復聞佛所說生死經中略

分十二。一曰無餘死。謂羅漢無所着也。二曰度於死者。謂阿那含不復還也。三曰有餘死者。謂斯那含往而還也。四曰學度死者。謂須陀洹見道迹也。五曰無欺死者。謂八等人也。六曰歡喜死者。謂

行一心也。七曰數數死者。謂惡戒人也。八曰悔死者。謂凡夫人也。九曰橫死者。謂孤獨苦也。十曰縛着死者。謂畜生也。十一曰燒灼死者。謂地獄也。十二曰饑餓死者。謂餓鬼也。汝等比丘。道場清衆。

所謂生死苦劇數數不停。休惹諸塵。修
心淨。行觀無常空。勿為放逸。精進勤修。
當來獲益。禮敬三寶。後獲國王大臣。大
富長者。皆由布施。無病長壽。持戒精專。
為人色相端嚴。身體柔軟。口氣香潔。人
見歡喜。視之無厭。從忍辱精進。無有懈
怠之心。為人安詳。言行審諦。從禪定中
來。為人才明。達解深法。讚歎妙義。開悟
愚蒙。人聞其言。莫不認受。宣用為珍。為
寶。從智慧中來。為人聲音清徹。從歌詠

三寶中來。為人潔淨。無有疾病。從慈心中來。阿難白佛云。何為慈心。佛語阿難。一慈衆生。如母愛子。二悲世間。欲令解脫。道意三者常安樂歡喜。四能愛護一切。不犯非違。是為慈心者也。佛告阿難。世人無智。殺害物命。不懼罪福。甘受死生。吾為道眼。覩無數劫。乃至今生。罪福報應。猶觀掌中琉璃珠。內外明徹。無狐疑想。於是阿難前整衣服。為佛作禮。而白佛言。演說此經。當何名之。佛語阿難。

此經名為輪轉五道罪福報應攝化地
獄經。若有善男子善女人。諷誦宣傳。功
德無量。常行禮敬。親奉供養。不墮三塗。
八難之處。佛語阿難。世有愚人。聞說法
語。心不餐採。後墮長耳驢中。慳貪不施。
墮餓鬼中。偷盜財物者。後墮奴婢牛馬。
好喜妄語。洋銅灌口。喜飲酒醉。犯三十
六失。後墮沸屎泥犁。州郡令長。食官爵
祿。私侵民財。鞭打平人。告訴無地。枷械
繫閉。不得寬恕。後墮地獄。數千萬歲罪。

畢乃出。墮水牛中。償其宿報。佛語阿難。
為人不淨。慳貪。猪狗中來。為人剛強。輕
燥。從猴羊中來。為人腥臭。含毒。從魚鱉
蝮蛇中來。為人喜食好殺。無慈心者。從
虎狼狸鷹中來。為人短命。胎傷。好喜射
獵。焚燒山澤。探巢破卵。施捕魚網。殺害
一切生靈。業墮三塗。罪沉六趣。無量無
邊。若非改往修來。何謂了心達本。道場
衆等。法界冤親。痛念無常。深明有幻。一
音流演。稱念伽陀。

賢者好不施

天人自護持

捨一得萬倍

安樂壽命長

今生大布施

獲福不可量

皆當同佛道

度脫於十方

因緣會合誰為親
不望他許自為親

五戒十善除貪嗔
世間榮樂如浮雲

展轉五道如車輪

莫計壽命惜金銀

天地尚壞何況身

奉持經戒是大珍

稽首和南諸聖衆

衆生普度出迷津

歸依頂禮世間大慈悲父

南無釋迦牟尼佛

南無清淨普施佛

南無沙留那羅佛

南無水月光明佛

南無殊勝德林佛

南無無量鞠光佛

南無光明盛德佛

南無熙怡喜德佛

南無無邊功德佛

南無諸方今身佛

南無見有邊際佛

南無恒沙普示佛

南無妙善名稱佛

南無紅燄幢王佛

南無娑羅樹王佛

南無遊步功德佛

南無鬪戰神通佛

南無寶華遊步佛

南無神通遊戲佛

南無精進勇猛佛

南無消融業障佛

南無法種尊王佛

南無無量音聲佛

南無大光明藏佛

南無大智通王佛

南無淨慧通明佛

南無山海慧通王佛

南無優曇華王佛

南無滅罪障菩薩

南無解冤結菩薩

南無增福壽菩薩

南無觀世音菩薩

南無地藏王菩薩

南無目連尊者菩薩

禮諸佛已。次復懺悔。今日道場。幽顯大

衆。莫辭勞倦。生懈怠心。努力披誠。勤加

精進。諸佛聖人。出生死者。良由積善之

功。度於彼岸。自在之樂。我諸大衆。法界

寃親違背真覺。故受沉淪。不了色空。妄
執人我平等法中。而起分別。於清淨處。
染着諸塵。三界俄興。六情交結。坐此相
續。不念出離。仍復於中。造劇惡業。故違
悞你。猶更闡提。毀辱親緣。玷污良善。輕
凌尊長。斷學大乘。惱亂賢明。穢污塔寺。
遠離知識。每遇惡人。於破戒者。更相讚
護。三乘道人。百般誹謗。內蔽過失。外現
威儀。常為五邪。招納四事。不淨說法。非
律談玄。於佛出家。反毀佛法。輕欺師侶。

親緣不奉。教誡不遵。潛行貪慾。無慙無愧。有過有愆。作諸罪因。受種種苦。殊形異狀。無了無期。今日道場。善男信女。多生累世。父母冤親。起悲戀心。懷慙愧意。摧邪樹正。返照迴光。發起大乘。行菩薩道。求哀剖露。懇禱披誠。十方諸佛。真實見之。鑒我微誠。提携獎導。阿彌陀佛。常光普照。爰接後流。觀音勢至。股肱聖化。清淨海衆。諸大菩薩。同運悲心。運無緣慈。攝化一切。猶燈開暗室。月現中天照。

我身與心。頓樂於羣賢。咸明正知見。俱
出輪迴鄉。乃至於娑婆。生緣俱淨盡。樂
邦淨域處。隨念而往生。更願衆聖。冥加
天龍護佑。我此國土。風調雨順。穀果豐
盈。聖帝仁王。慈臨無際。羣臣官屬。常守

尊榮。萬姓四民。永安富樂。佛法檀越。福
慧禎祥。父母師僧。居安穩地。善惡知識。
庶世親冤。同為善化。自他眷屬。彼我宗
親。咸開佛慧。同證覺乘。苦海山林。岩中水
窟。盡歸樂土。同出苦淪。從今已去。教廣

大心。展毘盧藏。流通荷負。展轉度生。諸
佛然無盡燈。常光永照。菩薩設蘭盆懺。
願行修持。三摩地。優悠任運。業障惑障
鎔銷。六神通。念念不違心。塵法塵瑩淨。
遊戲清涼境界。迥出熱惱娑婆。普為有

情。證無生忍。重說偈言

衆罪皆懺悔

諸福盡隨喜

及諸佛功德

願成無上智

去來現在佛

於衆生最勝

無量功德海

歸依合掌禮

稽顙求哀。天上世間。大慈悲父

南無釋迦牟尼佛

南無寶華嚴王佛

南無精進軍力佛

南無光明無量佛

南無相好端嚴佛

南無日月光明佛

南無寶蓮花光佛

南無智德常明佛

南無龍德尊王佛

南無堅勇勢力佛

南無賢明善智佛

南無恒沙海會佛

南無文殊師利菩薩

南無大行普賢菩薩

南無地藏王菩薩

南無目連尊者菩薩

禮諸佛已。次復懺悔。罪從心起。意地難

除。如來大聖。開諸方便。守口如瓶。防意

如城時時拂拭靈臺。寂寂朗於神鑒。絕
瑕絕類。心境虛融。所謂滅罪經云。觀理
明心。是真懺悔。釋此懺法。科分二條。一
者留心。依事懺悔。鋪陳聖像。懸掛旛華。
香霽盈空。燈輝滿室。歸投三寶。爰請六
和。運想澂心。胡跪合掌。和南旋繞。稱讚
誦揚。蕩蕩仁風。扇開幽壤。融融曉色。照
徹稠林。利己利他。酬恩祈福。二者智心。
明理而懺。斷除結使。掃蕩妄情。恢廓義
天。澂清性海。迷雲迥靜。惑障俱空。塵根

絕跡煩惱無踪。願滿因輪衆生。誓度未
明事理。良可悲也。是故衆生。心想顛倒。
徇境殊途。縈絆殺人。纏結膠固。愛河浪
闊。苦井困深。心火熾然。性天自昧。恣迷
有作。不了無明。人人逐境。生情念念迷
頭認影。紛紛擾擾。袞袞區區。良由福智
淺微。業緣濃厚。如投網鳥。不識虛空。種
種攀緣。未常休歇。如藤纏樹。似索拘囚。
譬如堂宇。愚智同居。多有盲人。不聞法
要。或形軀髀露。或穢污腥羶。或登廁靴

鞋恣拋佛地。或遊山草履踏踐伽藍。因果不今。罪業不顧。佛言此等。是無慙人也。無始以來。或皮囊盛頭。刺射物命。致使盲聾。不覩光明。那今色像。從今日去。幸聞正教。知識善人。開導身心。頓覺無明。發

正見火。更於經坊。求好藥草。搗篩和合。晝夜煉磨。一心服之。諸病自瘥。闡揚正教。治世良方。喻如疊花千斤。爭似真金一兩。譬如百年暗室。一燈能破。萬劫昏朦。猶珠澄濁水。似月耀昏衢。所謂華嚴

經云。過去休取。未來莫貪。現在無拘。三世空寂。實性觀空。是真懺悔。涅槃體性。如風過樹。舟行岸移。所謂維摩經云。心淨國土淨。性真法界真。此真不二門。廣說多方便。頓除諸妄想。安能有六塵。一念超生滅。了無冤與親。道場清淨衆。重各運精神。明明休自昧。歷歷悟玄因。舒寶光於林壑。朗心月於波津。照幽途而空豁。息波吒之酸辛。灑醍醐於江海。潤枯槁之荆榛。化惡草為香草。修淨業於

日新。悟苦空之寂滅。了生死之沉淪。度
四生而絕跡。集萬福之咸臻。同了多生
慧命。盡證法界之身。現在者。根塵永淨。
已往者。無業可陳。普為四恩三有。盡明
覺慧之春。重復歸依世間大慈悲父。

南無釋迦牟尼佛	南無降伏諸魔佛
南無淨光普照佛	南無智慧勝德佛
南無慧旃勝王佛	南無獅子吼力佛
南無觀世燈王佛	南無慧炬照明佛
南無慧燈光王佛	南無法幢妙寶佛

南無寶光明王佛

南無斷疑淨妙佛

南無須曼華王佛

南無大慧力王佛

南無阿閼歡喜光佛

南無無所今別佛

南無牛頭沉水香佛

南無旃檀功德佛

南無文殊師利菩薩

南無淨諸業障菩薩

南無地藏王菩薩

南無目連尊者菩薩

禮諸佛已。普為四恩。三有法界衆生。悉

願斷除諸障。歸命懺悔。如是等一切世

界。諸佛世尊。當慈念我。當憶念我。證知

於我。若我此生。他生。無始生死以來。所

作衆罪。若自作他作。見作隨喜作。或作
五無間重罪。及十不善道。或有覆藏。或
無覆藏。乃至邊地邪見地獄餓鬼畜生。
忘本知見。故受沉淪。所謂經言。恒河水
邊。有二種鬼。從河而過。一者歌吟而行。
一者啼哭而往。阿難白佛。二鬼何為悲
歡。佛告阿難。一者見孫家中作福。資度
生方。所謂歌吟。一者見孫在家造業。累
及幽菟。復歸苦趣。所謂悲啼。佛寶藏經
云。修一小善。受福無窮。作小惡緣。招報

寶重。昔波羅柰國。有慈行童子。父喪母
存。賣樵奉養。忽因一日起貪利心。結伴
入海採寶。母行勸之。兒努掣去。覓損母
髮。遂失孝心。前往採寶途中失伴。彼海
山中有琉璃城。四女四珠。伎樂來迎。住

四萬歲。次到玻璃城。八女八珠。住八萬
歲。後到鏡城。忽遇一人。犯大逆罪者。頭
戴火輪。卸於童子頭上。是時童子問獄
主言。我戴此輪。何時得脫。獄主乃言。後
復有人。造善作惡。方來代汝。童子答言。

我何罪福。獄主復言。汝昔賣樵。奉養於
母。因為入海採寶。不遵母訓。毀損母髮。
數莖。所謂受苦樂報。童子聞說。遂發大
心。但有罪因。我皆代受。發大心故。火輪
即脫。生率陀天。佛言。童子。即我身也。雪

山有鸚鵡王者。父母俱盲。採菓侍養。忽
聞田主。初種穀時。發誓同食。饒益群生。
於是鸚鵡聞知。食踐田穀。田主被擾。便
起嗔心。設網張羅。捕捉鸚鵡。鸚鵡被捉。
乃云。田主先見施心。取養父母。何故捕

捉。是時田主。咨嗟讚嘆。禽鳥能言。孝養
父母。何況於人。不發孝心。所謂佛言。鸚
鵡王者。我身是也。田主舍利弗也。盲父
母。淨飯王摩耶夫人也。昔行忠孝。故得
阿耨多羅三藐三菩提心。道場衆等。善
男子善女人。各懷尅已之心。同運普賢
之行。禮敬諸佛。稱讚如來。廣修供養懺
悔業障。隨喜功德。請轉法輪。請佛住世。
常隨佛學。恒順衆生。普皆回向。更願我
等。合道場人。臨命終時。心不顛倒。心不

惑亂心不失念。身心無諸苦痛。身心得
大安樂。如入禪定。聖衆現前。乘佛本願。
上品上生。阿彌陀佛國。生彼國已。獲六
神通。得八自在。回入十方界。救攝苦衆
生。親與及非親。同乘大悲願。虛空法界
盡。我願亦無窮。等與如來。同成正覺。而
說偈曰

諸佛智願海 深廣無涯底 聞名欲往生
皆悉到彼國 世尊我一心 皈命十方佛
無碍光如來 願生安樂國 哀愍覆護我

今法種增長 此世及後生 願佛常攝受
 安樂國清淨 常轉無垢輪 一念及一時
 利益諸群生 自信教人信 難中轉更難
 大悲傳普化 真誠報佛恩 普願諸衆生
 三業咸清淨 奉持諸佛教 和南諸聖衆

慈悲蘭盆目連懺法道場卷中

二

二卷 恨音恨 上声 鉶二音 悲批 夤音寅 恭佳也 緣連也

靄音矮 雲貌 靴音鞞 卸音謝

三卷

跑音跑 夔音夔 嗣也 夔音夔 硯美也

